



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 97-сса шин.

12+

«ЗАРЯ»

Нюжмар
10 апрель
2020 ш.

№16

www.zaria-online.ru
gazetazary@mail.ru

Батлаву

Цала цува къауруччаву – цама цала къашавай аву!

Райондалий коронавирусал инфекция ппив къашаву мурадрай, мартрал 18нийва бувсса Дагъусттан Республикалул БакIчинал Указрайн буну, «Лакрал район» МРданул бакIчинал хIукмулин буну (18.03.2020.№22-р) цIакъ бувна райондалул Оперативный штаб.

ЧIалачIи дунни штабрал дуллансса давуртту. Оперативный штабрай чIун-чIумуй ххалдигъай райондалий ци тагъар дуссарив, Республикалул бакIчинал Указ, райадминистрациялул амурду биттур баврил, цайми жаваблусса къуллугъирттал тIалавшинну биттур даврил даража цукунсса буссарив.

КIулсса куцуй, РДлул БакIчинал 18 мартрай бувсса Указраву дахханашивуртту дурну, цIунилгу мартрал 31ний (№23) гужравун бувххунни дахханашивурттачалсса Указ. МуницIун бавхIуну республикалул БакIчинал, ХIукуматрал председателнал чIун-чIумуй дувай гъарцагу жаваблусса къуллугъчи, миккува районнал бакIчиталгу гьуртту бувса штабрал давуртту.


Микку гьуртту шайсса «Лакрал район» МРданул бакIчи Юсуп МахIаммадовлул апрельданул 4ний бавтIунни райондалулмур штабгу. Ххалбивгъунни РДлул бакIчинал Указ биттур шаврицIун бавхIусса, райондалий хаснура къулагъас дан аьркинсса давуртту ккаккан дуллалисса масъалартту.

«Лакрал район» МРданул бакIчинал мартрал 18ний (№22-р) ва мартрал 28ний (№30) бувсса амурдаву дахханашивуртту дурну дур.

Ккаккан буну бур райондалул аьрщарай 28 мартрай шихуннай халкъ цачIун бавтIсса дялахъурду, спортрал тIуркIурду, цайми цачIусса давуртту къадан. Мивунна духлай дур шяраваллаву дайсса хъарас шаврил байраннугу, цаймигу гъарца журналул дялахъурду дан агъалий батIавуртту.

Ми кланттурдайн халкъ занан къадагъа дихълахъишивугу ккаккан буллай бур.

Аьмну дукра дайсса (каферду, столоварду) зузаву дачин дан халкъ мивун бухханну дакъача, ми къабувхунма дукия цацала лар-



сун гъансса къяйдалий. Му чIумалгу аьмсса дукра дувай идарарттай каялушиву дуллалими буржлувну бур дуки-хIачIия ларсун заказ дурминначIан гъанми щаллу бан лажиндаравух дахIайсса маскардал, катIрал, бурчул антисептикирттал.

Дахху-ласулул объектру зузаву дацIан дан, аптекру, дуки-хIачIиялул, цалчин чара бакъасса хъуслил ттучанну личIаннин.

Цивппа халкъ чара бакъа гьуртту хъун багъайсса хIаммамру, даллакханарду зузаву цалсса дацIан дан.

Агъалий социальный буруччайсса центрдал, библиотекарттал ва цаймигу культуралул-бигъалагаврил давуртту дайсса идарарттачIа зузисса кружокру, секциярду ва цайми давуртту дацIан дан.

Мукунна дацIан дан дуккаврил, школалин гъаннинсса, аьмсса дуккаву дуллалисса идарарттал давуртту.

Мура къадагъа дишаву дан ккарччив дишайсса идарартту зузаврий, ккарччив ций дуну чарабакъассамедициналул кумаг баву личIаннин.

Агар райондалий бухъур-

ча, цайми паччахIлугъирттай бивкIсса, ягу коронавирusrал инфекция дусса цайми регионай бивкIсса халкъ миннал аьркинссар:

Ца гъантлул дянив баян бан цивппа Аьрасат Федерациялин бувкIшиву, мукунма бухъурча цала оьрчIру бувкIшиву. Та бувкIссарив, чув бивкIссарив, цуксса хIаллай бивкIссарив «горячая линиярдайн» оьвкуну вай номердай: ЕДДС - 55-17-80; Лакрал ЦРБ - 8903 480 17 71; Республика Дагестан - 7(8722)67-15-99.

Цукунсса дунугу чурххал цIуллушиву оькки хъанахъисса лишанну дуккарча, мугълат бакъа оьвчин медициналул идарарттайн зучIанна шавай хIакин гъан аву тавакъю буллай. Чара бакъа биттур буллан шаву, къатIув къауклай уманан санитариялул врачнал бувсса хIукмурду.

Маслихлат бан райондалий ялапар хъанахъиминнан:

-цанмасса хIукуматрал, муниципал идарарттал байсса къуллугъру тIалав буллан электрон журналй, цивппа миккун къалавгун;

-диндалул аьдат-эбадатру дайсса кланттайн цачIуну халкъ заназаву дацIан дан; коронавирusrал инфекция дусса кланттайн къагъан, райондалул къатIув чарабакъашиву дакъахъурча къагъан, туризмалул, бигъалагаврил, къатIал кланттурду хIалану; жямат батIайсса кланттай, ххуллурдай агъали цанначIату ца яла чанну 1,5 метралул архну бацIаван; агъалинан чарабакъасса медициналул кумаг бан багълай, мунал цIуллукишивруннигъачIаву дакъахъурча бакъа ялапар хъанахъисса клантту къакъабитан, мукунма даврин гъан багълагишиву ккаккан дурну дакъахъурча; хъус машин (Ахир 2 лаж.)

Бюхттулсса бахшиширттал заллу

Вай гъантрай Московлив хъуна Дунияллул халкъуннал музыкалул гъунарчитурал союзрал съезд. Муний хъинну сий дусса тагъарданилу, музыкалуву магъиршиву хъхъичIуннай дуллай, лайкъсса захIмат бувминнан ларайсса даражалул наградартту дуллунни.



Музыкалул искусство хъхъичIуннай давриву ларайсса ккаккиартту хъун даврихлу ва ихIсандалул давуртту дачин даврихлу Дагъусттаннал Музыканттурал правлениелул союзрал председатель, Аьрасатнал искусстволул лайкъ хъусса ишккакку, пианист Хан Баширов лайкъ хъунни Мусил медальданун ва «Музыкалул искусстволул лайкъ хъусса ишккакку» тIисса бусравсса цIаннин.

Дунияллул халкъуннал музыкалул ишккаккултрал союзрал президент Александр Соколовлул кIицI лавгсса куцуй, Къиблалул Ухссавнил Кавказуллал Федерал округирттай ва ларайсса награда хъхъичIра-хъхъичI Хан Башировлул дуллуну дур.

Ка бакъиннав цахъхъун шихунайгу ванияргу лахъсса заваллайн иян.

РГВК- «Дагестан» - 8 апрель

Дагъусттаннал Минздраврал баян баврин буну, апрель зурул 8 хъуннин хIисаврай, коронавирusrал къашавай бувминнал ялун ххи хъуну усса ур 1 инсан, МахIачкъалалий ялапар хъанахъисса. Мунайн азар цама къашавайсса инсанная лархъун дур.

Апрель зурул 8 хIисавну аьмну республикалий COVID-19 вирusrал къашавай хъуминнал сияхI дирну дусса дур 44 инсаннай. 47 усса ур цалчинсса тест положительныйну дурксса. Миннаву 2 лякълуву оьрчI бусса хъамитайпа. Ахирдаийсса хъирив лаяву дан биоматериалул тIайла дуркун дур Московлив референс центрданнин.

Дагъусттанная гъан бувсса пробардаву бнин цалчин ккаккан бувмур тастикъ



къавхъуну бур. 2183 инсан усса ур шаву ацIан увну.

ЦIанасса чIумал инфекциялул азардал республикалул центрданний бусса бур 12 инсан. Шама инсаннал, 85, 67, 63 шинну хъусса, лабораториялул диагноз тастикъ хъуну дур. Вайминнал тестру положительныйсса бусса бур.

ХIисавравун ласунсса иш - къашавай шаву захIматсса дусса дур бугъара хъуминнал дакъассагу, жагъилминналгу. Реанимациялуву яла жагъилма 31 шин хъусса ур тIар.

РДлул ТФОМСрал Лаващавсса филиал баян буллай бур!

Аьрасатнал Федерациялул ХIукуматрал 2020 шинал мартрал 21ний бувсса №710-р амрулин бувну, агъалинал цIулушиву дуруччаву ва цIусса коронавируссал инфекция Дагъусттан Республикалул аьрщарай ппив хьунсса нигъачIаву чан даву мурадрай, РДлул ТФОМСрал Лаващавсса филиал баян буллай бур инсантуран, хъуниминнан ва оьрчIан диспансеризация дуллалисса ва профилактикалул ххалбигъавуртту дуллалисса давуртту чIумуйсса дацIан дуршиву хасъсса хIукму баннин.

Мукунма ДРлул ТФОМСрал Лаващавсса филиал хъинну маслихIат буллай бур циняв инсантуран:

*Бявкъу-гъили хьусса ва ОРВИ дусса (май эки нанисса, хъугъу тIисса, аьнчру тIисса ва м.ц.) инсантурацал хIала-гъурттушиву къадитан.

*ЧIавусса инсантал цачIун батIайсса кланттурдайн къазанан.

*Бюхъайссаксса чIавуну кару шюшлан, ссахIван бувккуну. Щингу, ссахIвангу бакъасса тагъар духъурча, ишла дан спиртлайн щусса салфеткарду ягу хъатан дайсса гигиеналул салфеткарду.

*Лажиндарайн ва яруннайн щилан анжагъ шюршусса кару ягу хъартусса салфеткарду.

*Бюхъавай кару къащилан дугъай куямурттайн, чурттурдал чулухсса дугъай ттуршардийн, жяматрал кланттурдайсса затирттайн. Мукунма, ссалам булайни кару къадугълан, хъямала къабагълан, ппайрду къатIун.

*Инсантал бусса кланттурдай ва транспортрай медициналул маскарду лахлан.

*ЧIун-чIумух зува бусса къатлувун марцIсса гъава итабакълан.

*Зува бусса къатлуву чIун-чIумух хъартусса ацци дуклан.

*ЦIуллу-сагъшиву дуруччинсса куццуй оьрму бутлан, шану биялсса лахълан, дукра чурххан мюнпатсса канан ва чурх цIакъ байсса упражненииертту буллан.

Р.Д.НурмахIаммадова,
ЗПЗлул хъунмур специалист.



Бюхттулсса ххувшаврин 75 шин

Гьухъалиятусса летчик

Архсса ухсавнил чулух, Мурманскал областъ-райсса Рыбачий бачIижазиралай бур цала оьрму совет Ватандалухлу харж бувсса летчикнал гъаттай бивхъусса хъунбакъасса чару. Мунал махъа-махъсса миналий кIирисса макъ рутIайсса цучIав къаикIай. Так дяркъусса ухсавнил гъараллу лачIай гъаттайн. МикI бакъайсса, Ледовый океандалиясса бявкъусса марчругу бищай ва дунияллия ччяни лавгсса жагъилнал гъаттал ялтту.

Му дур Гьухъалиятусса МахIаммад Ихаевлул гъав. Увну ур М.Ихаев 1922 шинал Гьухъаливсса саняткар НухIлул ва ХIаписатлул кулпатраву. Саэд Габиевлул асар биян бувну, НухI ятIул партизантуравун агъну ивкIун ур. Га чялишну гъуртту хъуну ур Февральданийсса ва Октябрьданийсса революциярдаву. 1919 шинал, сайки щала Дагъусттан кIялакъагътурал гарнизоннал ва жаза буллайсса къазахътурал къюкърал бувгъусса, Гьумукгу ца мукунсса къюкъя пасатшивуртту дуллай диркIсса чIумал, НухIлул хъунмасса кумаг бувну бур революционертуран. Мунал кумаграй бювхъуну бур С.Габиевлуща деникиннул аьралуннал къаралданухъун къаириуну Гьумукун уккан.

ХIалтIилухун Ростоврайн занай ивкIсса буттащал МахIаммадгу яхъанай ивкIун ур Ростоврай. Тийхва дуклай ва буттан кумаг буллайгу ивкIун ур. БуттачIан букIла-



кIисса арамтурая мунал бавну бур парашютрай тIанкI учайсса **Наби Аминтаевлуя** ва летчик **ХIусайн Шайховлуя** (кIяйгу Гьумучатусса). Мунияту, гъира багъну, занан ивкIун ур Ростоврайсса аэроклубравун. Микку лавхъхъуну бур самолетрай лехлан. Яла, цала тавакъю бувну, М.Ихаев гъан увну ур дуклан Ейскалийсса военно-авиациялул училищелин.

Му буккайхту, гъан увну ур, чIивима лейтенантал цIагу дуллуну, Украиннайн. Лехлай ивкIун ур Ил-2 самолетрай.

Дяъви байбишайхту, му Ил-2 самолетрай лехлай, душманнал аьралуннайн ва

техникалийн гъужум буллай ивкIун ур. Амма, гъужум бувну ацIан ан къахъанай, хъхъичIунай нанисса душманнал гуж хъунмасса бивкIун бур. Анжагъ Моско-вуллагIа бювхъуну бур 1941-1942 шиннардил кланттул немецнал аьрал бацIан бан.

1942 шинал гъинттул МахIаммад Ихаев гъан увну ур цанма абзисса Къапкъаз буручлан. Гара шинал ахирданий кланттул тIурча гъан увну ур ухсавнил чулухунай Баренцово хъхъирил аралувун. Жагъилсса летчик микку увкIун ур авиациялул генерал Харитоновлул чIан. «Ци миллатрал ура, лейтенант Ихаев?» - цIувххун бур генералнал. МахIаммадлул був-

сун бур, Дагъусттаннаясса лаккучув ура, куну. «Му ци миллатри?» - цIувххун бур генералнал. «Му чIивисса, амма хъинну къянкъасса, сивсусса, Дагъусттаннал зунттавусса миллатри, совет властьюрай дакI тIайласса». Генералнал цIувххун бур кулпатрая. Лейтенантал бувсун бур Граждан дяъвилул чIумал революционертуран кумаг буллай ивкIсса цала буттая. «ЦIана ци дуллай ур ппу?» - цIувххун бур генералнал. «Фашистурацал талай уссар», - жаваб дуллун дур Ихаевлул. Генералнал цIувххун бур ниттиятугу. Летчикнал бувсун бур, нину АьвдулпаттахI ва Аьвдуллагъ тIисса цала мюрщими уссурварацал Гьухъалив яхъанай душиву. «НиттичIан чагъар чичарав?» «Къачивчун хъунмасса хIалли, буттая оьккисса хавар къабаян, нигъаувсун ура». «Анаварну чагъар чича ниттичIан, гъалмахчув лейтенант. Ниттил аькъува кIилину гуж дан чай урав?»

МахIаммадлул гара хъхъуну ниттичIан чагъар чивчун бур, Мурманскалу-чIасса талатавурттаягу, цала жагъилми летчиктуран самолетрай лехлан лахъхъин буллантишивриягу бувсун. «Шикку кланттул баргъагу»

(Ахир 3 лаж.)

Цала цува къауруччаву - цама цала къашавай аву!

(Дайдихъу 1 лаж.)

ласайсса, къуллугъру байсса кланттурду яла цачIанма гъанми личIи бан; ичIувасса ризкъи цала къатрая 100 метралуяр архну къабакълан; цала ичIурацца цинцI яла гъанмур цIинцI дичай кланттайн дичаван.

МаслихIат бан оьрмулул 65 шинаяр ххишала хъусса, хъин къархъусса азарду дусса инсантуран 30 марта 14 апрель хъуннин шаппа бацIан къатIув къабувккун.

Самоизоляциялул бурж къабагъайссар цала даврий бацIаву лап агъамну дусса идарарттай, организациардай каялушиву дуллалиминнан ва зузалтран.

Шяраваллал администра-

циярдал бакIчитурангу ккаккан бувну бур ялув кIицI лавгсса масъалартту биттур бан аьркиншиву, гужлан дан хаснура бувчIин баврил, дезинфекция даврил, агъалий цачIун хъун бюхъайсса кланттурдай дезинфекция даврил давуртту. Цала цукунсса бухъурчагу корреспонденция гъан бан багълагъинин му гъан буллан электрон журалий, почтрайхIин. Шяраваллал ФАПирдал зузалтрацал хъириг лавсса сияхI дуллан шяравун цамур кланая бувкIминнал. Гъарца къини райондалул оператив штабрайн баян буллан цачIара дурсса давурттая.

Райондалий зузисса даву-дулутран:

зучIавасса зузи кланттурдай гъарца къинисса дезинфекция даван, гъарца къини зузалтрал чурххал кIиришиву ххалдаван, лахъну думи даврия мурахас баван. Мукунми буккарча аьркиннин баян баван. Зузи кланттайн буххан къабитан корона-вируссал инфекция дусса кланттая бувкIсса ва санитариялул хIакиннал хIукму бувсса инсантал.

Юридический лицордан, цивпалусса ишбажаран-читуран, цал даву дархIуса агъалий батIайсса кланттуштал, агъалий ххилаххисса транспортрацал, чарабакъа дезинфекция даврил давуртту дачин дан.

ШХУлул экономика-

лул отделданул начальник М.Къадиевлун дарурттал, агъалий буруччай янналул, къай-къуйлул, дуки-хIацIиялул багъри лахъ шаврий контроль буллан.

«Лакрал район» МО-лучIасса ЦСОНдалий каялушиву дуллалисса Ш.Шурпаевлул 80 шин хъусса, мушакъатшиврул Iмур группа бусса инсантурал дуки-хIацIия шардай дучIан дуллансса тIалавшиндарал хъириг лаян, му иширавун клункIу бан кумагчитал-волонтертал. Идарарттай, организациардай каялушиву дуллалиминнан давуртту дацIан дан багъсса объектру бухъурча ми ябансса, буруччинсса ххуллурду ласун.

Райондалул бакIчинал бувсса хIукмулуву ялагу бур чIавусса бакIрай бацIансса кланттурду. Гъарцаннал бурж - ми биттур баву.

Антитеррор

Жямат буруччаврил цланий

К1ундиннал шярвалу райондалий хъуннасса, халкъ ч1явусса ялапар хъанахъисса шярвалуну ккаллину дур. Шярваллил дазу Ахъушиял райондалушл дур.

К1ундиннал шярваллил администрациялий сиях1рай дур 250 хозяйство, миннува мударна зузисса 150.

Администрациялул биял-даралусса аьрщарай регистрация дурмину бур 1130 инсан, мудар ялапар хъанай бур 330. К1ундиннал МОлу-вун духлай дур Шахъуйннал шярвалугу. Администрациялул биялдаралу зий бур культуралул ва бигъалагаврил центр (КДЦ), библиотека, дянйивмур даражалул школа, ФАП, Аьрасатнал почталул отделение, мизит, ттучан.

Вай масъаларттугу, билатрай, республикалий террор-экстремизмалул идеология дачин давриву дусса тагъаргу х1савравун ларсун, К1ундиннал шярваллил администрациялул цин лархъхъусса профилактикалул давуртту дуллай буру вай балардая шяравусса жямат буруччаврил цланий.

Мунин бувну шярваллил администрациялул ва иширавусса агъанми буржруну укунсса ккаккан барду:

-К1ундиннал МОлул аьрщарай террор-экстремизмалул идеология дачин къадитаву; мунияту хъхьич1уннайсса бак1рай бац1аврил давуртту гужлан даву; шярваллил мизитрал имамнал дайсса давуртту, бувч1ин бавуртту гужлан даву; жула буттахъал аьдат-эбадатру, патриотизм дуклаки оьрч1аву, жагьилтуруву цлакь дансса ххуллурду ласаву.

Террор-экстремизмалин къарщисса давурттаву К1ундиннал шярваллил адми-

нистрациялул чул бищайссар райондалул террор-экстремизмалин къарщисса комплексныйсса пландалин, райондалул АТКлул бувсса х1лукмур-дайн.

Мукун, шяраву агъалий бат1айсса кланттурдай, дуккаврил идарарттай ларч1ун дуссар агитациялул баннерду, гьартану ишла дуллалиссару интернетрал кашив, социал сетьру. Мува куццуй райондалул АТКлул т1алавшинну биттур дуллай ч1ун-ч1умуй жяматрашл дару культуралул, бувч1ин баврил давуртту, хаснува байраннан, памятьрал кьинирдан хасъсса. Мура террор-экстремизмалин къарщисса асарданилу дайссар спортрал соревнованиртту, миллатрал, диндалул бай-



ранну, нитти-буттахъал собраниртту ва м.ц.

Ца ххуйсса даву хъунни жуч1а мюхтажнан кумаг байсса, халкъ цач1ун шайсса фонд бачин баву. Вай иширттал ч1аланну кумаг буллай бур гьарцагу ххуй бакъасса иш хъун къабитан, террор-

экстремизмрайн къарщи буккан.

Жямат цач1уну дару Ц1усса шинал, 8мур мартрал, хъув буккаврил, интнил, зума ритаврил байранну ва цайми тарихисса ишру.

Дялахърурду даншиврул администрациялулгу кумаг

бывну цува заллусса харж-лугърац1ух бювхъунни шярваллил клуб бакин бан.

Хъуннасса дах1аву администрациялул дуссар школалушл. Шикку дур яла хъунмур къулагъас даван, цанчирча дуклаки оьрч1ру хъхьич1ва-хъхьич1 буруччин багълай бур оьсса балар-

дая, яла нигъач1ими ми бухъукун.

Шяраву дайсса сайки гьарца культуралул ва дялахърулул давурттай, школалийсса собранирттай гьуртту шайссар администрациялул зуалтту.

Террор-экстремизмалин къарщисса давриву хъунмар полициянал участковыйтурал бияла. Администрациялул миннашлсса дах1аву ххуйсса дуссар. Участковый ч1ун-ч1умуй хъунаакъай жяматрашл, дуклаки оьрч1ашл, жагьилтурувал х1ладур бувсса ихтилатиртташл.

Участковыйнал цала къуллугърал буржру биттур бан кумагран шяраву лич1ий бувну буссар му щяик1ансса къатта. Шярваллил администрация рязину бур муная.

Ж.Гаммиев,

К1ундиннал шярваллил бак1чи.

Гьухъалиятусса летчик

къабуккай. Марк1ач1анмай кунмасса чани бур», - тлий чивчун бур мунал.

Нитти лгу жаваб чичин дурну дур чливима арс Абдуллухъ, амма буттал жан харж дуршивугу, дянйивма уссу Аьвдулпаттах1, буттахлу къясас ласун, дяввийин цува лавгшивугу къюлт1 бувну бур.

Жагьилсса летчиктурахъ дарсру дихълай, М.Ихаевлул учайсса бивк1ун бур: «Цуксса магьирну, усттарну каялушиву дуллай урав ина машиналий (самолетрай), муксса нигъач1аву дуссар вия душманнан». 72 жагьилсса летчик х1ладур увну ур ганал тикку.

Фашистал бивк1ун бур жула хъхьирил портру ласун х1ларачат буллай. Амма Ухсавнил хъхьирил флотралгу, к1ийхсса полярный авиациялулгу гужсса талатавуртту дурну дур чапхунчитурашл, тайннал авиациялушл талай, жунна аьркинмур ларсун хъхьирийх нанисса англиянал жамирдайн ххяхлахисса душманнал самолете-

тру къат1 дуллай. Мукунсса ца талатавриву 1943 шинал августрал 18ний харж дурну дур цала жан Мах1аммад Ихаевлул...

Генерал Харитоновлул цала каних чивчуну бур жагьилсса лейтенантнал ниттич1ан жижара буллалисса чагъар. Муний га ур М.Ихаевлуя, ганал къучагъшиврия хъинну ц1а дуллай, циняв летчиктуруву га яла гужма ия, тлий. Харитоновлул чагъарданушл бувк1ун бур ниттич1ан Ихаевлул тарбия бувсса летчиктурал чагъаргу, 17нал къулбасру дурсса, виричувсса летчикнал ниттихъ жижара буллалисса.

Ватан дуручлай жан харж дурну дур ганал уссу Аьвдулпаттах1лулгу.

Мукун, Ватан фашистурая дуручлай, цала жанну харж дурну дур бутталгу, ганал к1ия арналгу. Цаннан дирк1ун дур 21 шин, гаманан - 19 шин.

«Лакцы - авиаторы в Великой Отечественной войне» т1исса луттирава.

ЦЗН

Манзилданий зузисса низам

РДлул Минтрудрал гъашину мартрал 26ний бувсса амрулуц1ун бавх1уну («О порядке осуществления дистанционного режима работы органов государственной службы занятости Республики Дагестан на период режима повышенной готовности»), матрал 30ния гихунмай хасъсса ккаккан бавуртту даннин, «Лакрал район» МОрайсса агъали давурттал щаллу байсса центрданул паччах1лугърал щаллу дайсса т1алавшинну биттур дуллантиссар укунсса низамрай:

-инсантал ва давурттай каялушиву дулلالими цивппа центрданин къабувк1ун ягу бюхъайсса ксану бувк1ун;

-ларайсса х1ладуршиндарай зузиссаксса ппурттуву ЦЗНдалул даву манзилданий щаллу дуллан;

-инсантуран ва давурттай каялушиву дулلالиминнан маслих1атру буллан даву манзилданий дуллалисса низамрай, паччах1лугърал т1алавшинну миннан щаллу дуллан, даву «горячая линиялий» сакин дурну, электронный почта ягу телефондалул связь (мобильный связь) ишла дуллай, информированиегу, СМИ-оповещениегу, Интернетрал сетьгу х1алану;

-хасъсса, лялич1исса иширттаву инсан (даврий каялушиву дулلالима) къамул ан, мунал ц1а чичин



дансса каша щаллу дан. Инсантуран ва давурттай каялушиву дулلالиминнан паччах1лугърал т1алавшинну щаллу дансса, даврил щаллу ансса х1уччарду ва цайми затру гъан буллан электронный журалий баян байсса, мукунма Единый портал государственных и муниципальных услуг (функций) ягу региондалул портал государственных и муниципальных услуг ишла дурну, телефондалул (мобильный)

связь, Интернетрал связь ишла дурну;

-инсан, цанна дакъайсса даву льякьинсса мурадрай регистрациялул учетрай ишаву;

-манзилданий регистрация дайсса низамрайн буч1аву. Цанна дакъайсса даву льякьиншиврул, регистрациялул учетрай манзилданий ишин шайсса шарт1ру щаллу даву, инсаннал манзилданий (электронный почталийхч1ин ягу телефондалул (мобильный) связьрайхч1ин аьрзагу буллу, аьркинсса документирттал суратругу гъан дурну;

-инсантал даву дакъа ливч1мину ц1унил регистрация дан;

-манзилданий регистрация ц1унил дайсса низамрайн буч1ан. Даву дакъа ливч1шиврул регистрация ц1унил дансса ч1ун ккаккан дан, регистрация ц1унил дурминнан даву дакъа ливч1шиврул пособие бичин.

Дагъусттан Республикалул Бак1чинал 2020 шинал мартрал 18ний бувсса №17 Указ («О введении режима повышенной готовности») би-

(Ахир 4 лаж.)

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев

Ответственный секретарь

К. М. Курбанов

Корреспондент

К. М. Курбанов

Опер. комп. набора

Р. И. Джалаева

Тех. редактор

А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 742 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
о объективность
представленных для
публикации материалов.

Шатбан барз**Бараатрал хьхьу**

Шатбан зурул 14ния 15нинсса хьхьунийн учай Бараатрал хьхьу, куну. «Бараат» тисса мукъул мяъна дур - «хлала бакъашиву», «барк1 битаву». Бараатрал хьхьуну ххуйдакаъасса, къабуч1исса, хлалал дакъасса къеллу, давуртту дурми барк1 битайсса бур Алжаннуя, хьинсса, хлалалсса давуртту дурми т1урча - Дужжагърая.



Идавсил (с.аь.вс.) хладисирттаву бур, Бараатрал хьхьуну циняв инсантурал бунагъру багъишла битайс-сар, Аллагъ миннул ялтту уч1айссар, т1ий, имандалия бувкминнан дак1 мяш шайминнан, къащи шайминнан, хлан хлач1айминнан, мачча-гъанминнашласса дах1авуртту къадиртминнан, цала нитти-буттах вич1и къади-

Манзилданий зузисса низам

(Дайдихьу 3 лаж.)

тур буллаи - муний ккаккан бувну бур 2020 шинал мартрал 19ний РДлул аьрщарай ларайсса хладуршиндарал низам дишин, социальный кумагру т1алав буллалисса инсантураву ц1усса коронавирсурал инфекция ппив хьун къадитаншиврул - «Лакрал район» МРданийсса ЦЗНдали, директорнал амру чивчуну, сакин бувсар 7 инсан усса оперативный штаб. Ивтун уссар давурттал план биттур даврил жаваб дулайма ва ккаккан дурну дуссар х1уччарду къамул байсса ва оперативный штабрал даврил тагъардания баян байсса кьинирду.

Центрданул специалистурацал директорнал дурссар ц1усса коронавирсурал инфекциялул эпидемиологиялул масъаларттайн ва цанна нигъачлаву къадиклансса шарт1урдийн дагъайсса бувч1ин бавурттал даву. Гъарца кьини дайссар даврийсса къатрал, зузи кланттурдал ва аьмсса кланттурдал дезинфекция.

Агъали давурттал щаллу байсса центрданий зузалт дежурство дуллаи зун ккаккан бувну буссар.

Жущал дах1аву дан бюхъайссар укун:

электронная почта ЦЗН - cznlak.2012@mail.ru, czn.lak@e-dag.ru;

телефондалул (мобильный связьрал) цала-цала специалистурал;

горячая линиялул телефон: 8(267)242-57, 8 928 579 70 40.

шайминнан, лас-щаршиврун х а и н ш и в у дурминнан, пахру бусса, дак1 хьунсса инсантуран ва питнардусукку буллалиминнан, дянив

дичлачиминнан лич1аннин. Мунин бувну, ва хьхьу

хьинссар, Аллагъгу дак1ниву увгуну, дуаьртту дуллаи уттара дарча. Идавсил (с.аь.вс.) хладисраву бур, дуаь Аллагънал къамул дайсса ххюра хьхьу дуссар, т1ий. Мукунсса хьхьурдуну кл1ц1ларгун дур: нюжмар хьхьу, Мух1аррам зурул ац1улчинмур хьхьу, Шатбан зурул 15мур хьхьу, Кьурбан байрамрал ва Зумаритай кьинилул хьхьич1сса хьхьурду.

Мукунма, Бараатрал хьхьуну хьинссар шамила цала бунагъирттал тавба дурну. Марк1ачлан чак бувну махъ му хьхьуну шамила буккайссар Кьурандалул сура «Ясин». Цалчин буккиннин, ният дайссар му сура буккин оьрму лахъи баншиврул.

Килчин буккиннин - баламусиватиртта уручиншиврул. Шамулчин буккиннин - хьинбаларду, хьиншивуртту гъарза даншиврул. Ми буккайхту дуккайсса хасъсса дуаьгу дуссар.

Бараатрал хьхьуну бувну хьинссар 12 ракатрайсса чакгу, гъарца ракаатраву «Алх1амрал» хъирив ац1ила «Кьулгъу» буклай.

Шатбан зурул ахирданий, Бараатрал хьхьу дурну махъ Идавсил (с.аь.вс.) зума къадугъайсса дирк1ун дур, Рамадан зуруй зума дугъан хладур хъанай, гуж цач1ун буллаи (итни кьини (понедельник) ва ххамис кьини (четверг) дугъайми лич1аннин).

К.Кьурбанов.

«Лакрал район» МО-данул амру 6 апрель 2020 ш. №68-р

Перечислить из районного фонда финансовой поддержки бюджетные средства (зарплата с начислениями за апрель 2020 г.)

1. Материально-техническое и финансовое обеспечение органов государственной власти:

МР «Лакский район» - 845,9 т.р.

Глава МР «Лакский район» - 113,0 т.р.

Финансовый отдел МР «Лакский район» - 271,2 т.р.

ОСХ и Экономики - 270,1 т.р.

2. Поддержка средств массовой информации:

МКУ «Редакция газеты «Заря» - 217,2 т.р.

3. Содержание учреждений культуры и искусства в части межпоселенческих расходов:

МКУК «ЦТКНР» - 527,6 т.р (в т.ч 38,2 т.р стим за апрель).

МКУК «ЦТКНР» - 115,2 т.р (зарплата тех персоналу) по виду расхода 244(226).

Библиотека (районная) - 185,8 т.р (в т.ч 3,6 т.р стим за апрель 2020г).

Библиотеки (переданные) - 263,5 т.р (в т.ч 18,5 т.р стим за апрель).

Библиотека (районная) - 18,2 т.р (зарплата тех персоналу) по виду расхода 244(226).

ЦБ (культура) - 78,8 т.р.

4. Организация предоставления общедоступного и бесплатного дошкольного, начального общего, основного общего, среднего(полного) общего образования по основным общеобразовательным программам:

МКУ ДО «Кумухская школа искусств» - 632,9 т.р (в т.ч доведение за апрель 92,0 т.р).

МКУ ДО «ДЮСШ» - 490,0 т.р (в т.ч доведение за апрель 75,0 т.р).

МКДОУ «Детский сад с. Кумух» - 286,1 т.р

МКДОУ «Детский сад «Солнышко» - 218,1 т.р

МКУ «УО» - 533,4 т.р.

МКОУ «Кундынская СОШ» - 13,7 т.р.

МКОУ «Хурхинская СОШ» - 13,7 т.р

МКОУ «Кубинская СОШ» - 18,2 т.р.

МКОУ «Уринская ООШ» - 23,3 т.р.

МКОУ «Куминская ООШ» - 13,7 т.р.

МКОУ «Карашинская ООШ» - 16,4 т.р.

МКОУ «Щаринская СОШ» - 18,2 т.р.

МКОУ «Шовкринская ООШ» - 27,2 т.р.

МКОУ «Чуртахская ООШ» - 18,2 т.р.

МКОУ «Курклинская СОШ» - 18,2 т.р.

МКОУ «Хулиминская СОШ» - 18,2 т.р.

МКОУ «Кумухская СОШ» - 164,8 т.р.

МКОУ «Унчукатлинская СОШ» - 18,2 т.р.

МКОУ «Хуринская ООШ» - 18,2 т.р

МКОУ «Хунинская ООШ» - 9,1 т.р

МКОУ «Каринская ООШ» - 9,1 т.р

МКУ «ЖКХ, С и СЕЗ» - 158,9 т.р

МКУ «ЦБ администрации» - 355,5 т.р

МКУ «ЕДДС» - 195,6 т.р

МКУ «ЛМАрхив» МР «Лакский район» - 79,3 т.р, 15,0 т.р - по виду расхода 244(310).

Глава администрации
МР «Лакский район»



Ю.Г. Магомедов